




宋詞吟唱

黃冠雲 吟誦



一、憶江南 懷舊 南唐 李後主 煜

多少恨，昨夜夢魂中。還
似舊時遊上苑，車如流水
馬如龍。花月正春風。

黃冠雲吟唱



二、搗練子 秋閨 李煜

深院靜，小庭空。斷
續寒砧斷續風。無奈
夜長人不寐，數聲和
月到簾櫳。

黃冠雲 吟唱





三、憶王孫

春閨

秦觀

萋萋芳草憶王孫。柳外
樓高空斷魂。杜宇聲聲
不忍聞。欲黃昏。雨打
梨花深閉門。

黃冠雲 吟唱



四、眼兒媚 秋閨 劉基

萋萋芳草小樓西。雲壓雁
聲低。兩行疏柳，一絲殘
照，數點鴉棲。

春山碧樹秋重綠，人在武
陵溪。無情明月，有情歸
夢，同到幽閨。

黃冠雲 吟唱 



五、相見歡 秋閨 李煜

無言獨上西樓，月如鉤。
寂寞梧桐、深院鎖深秋。
剪不斷、理還亂，是離愁。
別是一般、滋味在心頭。

○ 黃冠雲 吟唱 



六、虞美人 感舊 李煜

春花秋月何時了，往事知多少？
小樓昨夜又東風，故國不堪回首月明中。

雕欄玉砌應猶在，只是朱顏改。
問君能有幾多愁？恰似一江春水向東流。

黃冠雲 吟唱 



七、西江月

佳人

司馬光

寶髻鬆鬆挽就，鉛華淡淡妝成。
紅煙翠霧罩輕盈，飛絮遊絲無定。

相見爭如不見，有情還似無情。
笙歌散後酒微醒，深院月明人靜。

黃冠雲 吟唱





八、畫堂春

本意

黃庭堅

東風吹柳日初長，雨餘芳草斜陽。
杏花零落燕泥香，睡損紅妝。

寶篆煙銷龍鳳，畫屏雲鎖瀟湘。
夜寒微透薄羅裳，無限思量。

黃冠雲 吟唱





九、浪淘沙 懷舊 李煜

簾外雨潺潺，春意闌珊。
羅衾不耐五更寒。夢裡不知身
是客，一晌貪歡。

獨自莫憑欄，無限江山。別
時容易見時難，流水落花春
去也，天上人間。

黃冠雲 吟唱 

十、菩薩蠻 閨情 李白

平林漠漠煙如織，寒山一
帶傷心碧。暝色入高樓，
有人樓上愁。

玉階空佇立，宿鳥歸飛急
。何處是回程？長亭連短
亭。

黃冠雲 吟唱





十一、卜算子 別意 蘇軾

水是眼波橫，山是眉峰聚。
欲問行人去那邊？眉眼盈盈處。

纔是送春歸，又送君歸去。
若到江南趕上春，千萬和春住。

十二、好事近 初夏 蔣子雲

葉暗乳鴉啼，風定老紅猶落。
蝴蝶不隨春去，入薰風池閣。

休歌金縷勸金卮，酒病煞如
昨。簾捲日長人靜，任楊花
飄泊。

黃冠雲 吟唱





十三、訴衷情

眉意

歐陽修

清晨簾幕卷輕霜，呵手試梅
妝。都緣自有離恨，故畫作
遠山長。

思往事、惜流光，易成傷。
未歌先斂、欲笑還顰，最斷
人腸。

黃冠雲 吟唱





十四、憶秦娥 秋思 李白

簫聲咽、秦娥夢斷秦樓月

。秦樓月、年年柳色，灞陵
傷別。

樂游原上清秋節，咸陽古道
音塵絕。音塵絕、西風殘照
漢家陵闕。

黃冠雲 吟唱





十五、更漏子 本意 溫庭筠

柳絲長，春雨細。花外漏聲迢
遞。驚塞雁，起城烏

。畫屏金鷓鴣。

香霧薄，透重幙。惆悵謝家池閣
紅燭背，繡簾垂

，夢君君不知。

黃冠雲 吟唱



十六、謁金門 春閨 馮延巳

風乍起，吹皺一池春水。閒
引鴛鴦芳徑裡，手接紅杏蕊。

鬥鴨闌干獨倚。碧玉搔頭斜
墜。終日望君君不至。舉頭
聞鵲喜。

黃冠雲 吟唱





十七、一翦梅

李清照

黃冠雲 吟唱



紅藕香殘玉簟秋，輕解羅裳
，獨上蘭舟。雲中誰寄錦書
來，雁字回時，月滿西樓。
花自飄零水自流。一種相思
，兩處閒愁。此情無計可消
除，才下眉頭，卻上心頭。



十八、采桑子

辛棄疾

少年不識愁滋味，愛上層樓。
愛上層樓，為賦新詞強說愁。
而今識盡愁滋味，欲說還休。
欲說還休，卻道天涼好個
秋！

黃冠雲 吟唱

十九、念奴嬌

蘇 軾 黃冠雲 吟唱 

大江東去，浪淘盡、千古風流人物。
故壘西邊，人道是、三國周郎赤壁。
亂石崩雲，驚濤裂岸，捲起千堆雪。
江山如畫，一時多少豪傑！
遙想公瑾當年，小喬初嫁了，雄姿英
發。羽扇綸巾，談笑間、檣櫓灰飛煙
滅。故國神游，多情應笑我，早生華
髮。人間如夢，一樽還酹江月。

二十、水調歌頭

蘇軾 黃冠雲 吟唱 

明月幾時有？把酒問青天。不知天上宮闕，今夕是何年。我欲乘風歸去，又恐瓊樓玉宇，高處不勝寒。起舞弄清影，何似在人間。

轉朱閣、低綺戶，照無眠。不應有恨，何事長向別時圓。人有悲歡離合；月有陰晴圓缺，此事古難全。但願人長久，千里共嬋娟。



二一、滿江紅

岳飛

怒髮衝冠，憑闌處、瀟瀟雨歇。擡望
眼、仰天長嘯，壯懷激烈。三十功名
塵與土，八千里路雲和月。莫等閒、
白了少年頭，空悲切！

靖康恥，猶未雪。臣子恨，何時滅？
駕長車踏破，賀蘭山缺。壯志饑餐胡
虜肉，笑談渴飲匈奴血。待從頭、收
拾舊山河，朝天闕！

黃冠雲 吟唱 

二二、金陵懷古

薩都拉

六代豪華，春去也，更無消息。空悵望、山川形勝，已非疇昔。王謝堂前雙燕子，烏衣巷口曾相識。聽夜深，寂寞打孤城，春潮急。

思往事，愁如織。懷故國，空陳跡。但荒煙衰草，亂鴉斜日。玉樹歌殘秋露冷，胭脂井壞寒螿泣。到如今，只有蔣山青，秦淮碧。

黃冠雲 吟唱 



二三、眼兒媚

賀鑄

蕭蕭江上荻花秋，作弄許多
愁。半竿落日，兩行新雁，
一葉扁舟。

惜分長怕君先去，直待醉時
休。今宵眼底，明朝心上，
後日眉頭。

黃冠雲 吟唱





二四、眉峰碧

佚名

蹙破眉峰碧。纖手還重執。

鎮日相看未足時，便忍使、

鴛鴦隻。

薄暮投村驛。風雨愁通夕。

窗外芭蕉窗裡人，分明葉上心頭

滴。

黃冠雲 吟唱 

二五、青玉案

辛棄疾

東風夜放花千樹。更吹落、星如雨。
。寶馬雕車香滿路。鳳簫聲動，玉
壺光轉，一夜魚龍舞。
蛾兒雪柳黃金縷。笑語盈盈暗香去
。眾裡尋他千百度。驀然回首，那
人卻在，燈火闌珊處。

二六、永遇樂

辛棄疾

千古江山，英雄無覓，孫仲謀處。舞榭歌臺，風流總被、雨打風吹去。斜陽草樹，尋常巷陌，人道寄奴曾住。想當年、金戈鐵馬，氣吞萬里如虎。
元嘉草草，封狼居胥，贏得倉皇北顧。四十三年，望中猶記，烽火揚州路。可堪回首，佛狸祠下，一片神鴉社鼓。憑誰問，廉頗老矣，尚能飯否。

黃冠雲 吟唱 